




目次

一八二 俱舍論記(三十卷) [cf. No. 1558] 廣 普 光 述 一

卷 第 一 分 別 界 品 一

卷 第 一 末 同 一七

卷 第 二 同 三四

卷 第 三 分 別 根 品 五五

卷 第 四 同 七〇

卷 第 五 同 九二

卷 第 六 同 一二三

底本及校本

● 德川時代補寫東大寺藏本

◎ 元祿十五年版本

● 平安時代寫長承三年覺樹校石山寺藏本

◎ 建久十年寫東大寺藏本

◎ 元祿十五年版本

● 平安時代寫覺樹校石山寺藏本

◎ 天仁二年寫東大寺藏本

◎ 元祿十五年版本

● 平安時代寫覺樹校石山寺藏本

◎ 正治二年寫東大寺藏本

◎ 元祿十五年版本

● 平安時代寫覺樹校石山寺藏本

◎ 文永二年寫東大寺藏本

◎ 元祿十五年版本

● 平安時代寫覺樹校石山寺藏本

◎ 東大寺藏古寫本

◎ 元祿十五年版本

● 平安時代寫大治三年覺樹校石山寺藏本

◎ 建保五年寫東大寺藏本

◎ 元祿十五年版本

1156/01

卷第七 同……………一三三

●平安時代寫長承四年覺樹校石山寺藏本
●天永四年寫東大寺藏本
②元祿十五年版本

卷第八 分別世品……………一四八

●平安時代寫覺樹校石山寺藏本
●元祿十五年版本

卷第九 同……………一六〇

●德川時代補寫東大寺藏本
●元祿十五年版本

卷第十 同……………一七三

●德川時代補寫東大寺藏本
●元祿十五年版本

卷第十一 同……………一八五

●建保六年寫東大寺藏本
●元祿十五年版本

卷第十二 同……………一九二

●弘安九年寫東大寺藏本
●元祿十五年版本

卷第十三 分別業品……………二〇〇

●承久二年寫東大寺藏本
●元祿十五年版本

卷第十四 同……………二一七

●東大寺藏古寫本
●元祿十五年版本

卷第十五 同……………二三〇

●平安時代寫保延元年覺樹校石山寺藏本
●東大寺藏古寫本
②元祿十五年版本

卷第十六 同……………二五〇

●同前

卷第十七 同……………二六四

●東大寺藏古寫本
●元祿十五年版本

卷第十八 同……………二七六

●平安時代寫覺樹校石山寺藏本（有缺丁）
●元祿十五年版本

卷第十九 分別隨眠品……………二九一

●德川時代補寫東大寺藏本
●平安時代寫覺樹校石山寺藏本（斷片）
②元祿十五年版本

卷第二十

同

三〇九

●平安時代寫覺樹校石山寺藏本

●永仁二年寫東大寺藏本

●元祿十五年版本

卷第二十一

同

三一八

●文永七年寫東大寺藏本

●元祿十五年版本

卷第二十二

分別賢聖品

三三二

●平安時代寫覺樹校石山寺藏本

●東大寺藏古寫本

●元祿十五年版本

卷第二十三

同

三四三

●平安時代寫長承四年覺樹校石山寺藏本

●正中二年寫東大寺藏本

●元祿十五年版本

卷第二十四

同

三五七

●平安時代寫長承四年覺樹校石山寺藏本

●建仁二年寫東大寺藏本

●元祿十五年版本

卷第二十五

同

三七一

●平安時代寫長承四年覺樹校石山寺藏本

●東大寺藏古寫本

●元祿十五年版本

卷第二十六

分別智品

三八三

●平安時代寫保延元年覺樹校石山寺藏本

●長承三年寫東大寺藏本

●元祿十五年版本

卷第二十七

同

四〇三

●平安時代寫保延元年覺樹校石山寺藏本

●建曆三年寫東大寺藏本

●元祿十五年版本

卷第二十八

分別定品

四一七

●平安時代寫保延元年覺樹校石山寺藏本

●寬元元年寫東大寺藏本

●元祿十五年版本

卷第二十九

同

四三二

●平安時代寫保延元年覺樹校石山寺藏本

●東大寺藏古寫本

●元祿十五年版本

卷第三十

同

四四四

●德川時代補寫東大寺藏本

●元祿十五年版本

破執我品

四三八

一八三 俱舍論疏(三十卷) [cf. No. 1558]

唐法寶撰……………四五三

卷第一 分別界品……………四九九

- 底本及校本
- 壽永元年寫石山寺藏本
- 承安二年寫東大寺藏本
- 寶永元年版本

卷第一餘 同……………四七六

卷第二 同……………四九五

卷第三 分別根品……………五二二

卷第四 同……………五二四

卷第五 同……………五四一

卷第六 同……………五五五

- 保延三年覺樹校石山寺藏本
- 德川時代補寫東大寺藏本
- 寶永元年版本
- 同前

卷第七 同……………五七四

卷第八 分別世品……………五八四

- 保延三年覺樹校石山寺藏本
- 鎌倉時代寫東大寺藏本
- 寶永元年版本
- 同前

卷第九 同……………五九三

卷第十 同……………六〇四

- 同前
- 同前
- 同前

卷第十一 同……………六一四

- 保延三年覺樹校石山寺藏本
- 保延三年覺樹校石山寺藏本
- 德川時代補寫東大寺藏本
- 寶永元年版本

卷第十二 同……………六二〇

- 同前
- 同前

卷第十三 分別業品……………六二七

- 同前
- 同前

卷第十四 同……………六四〇

●保延三年覺樹校石山寺藏本
●東大寺藏古寫本
②寶永元年版本

卷第十五 同……………六五〇

●●● 同 前

卷第十六 同……………六六二

●保延三年覺樹校石山寺藏本
●德川時代補寫東大寺藏本
②寶永元年版本

卷第十七 同……………六七〇

●保延三年覺樹校石山寺藏本
●鎌倉時代寫東大寺藏本
②寶永元年版本

卷第十八 同……………六七七

●●● 同 前

卷第十九 分別隨眠品……………六八七

●保延三年覺樹校石山寺藏本
●東大寺藏古寫本
②寶永元年版本

經第二十 同……………七〇一

●保延三年覺樹校石山寺藏本
●鎌倉時代寫東大寺藏本
②寶永元年版本

卷第二十一 同……………七〇九

●●● 同 前

卷第二十二 分別賢聖品……………七二三

●●● 同 前

卷第二十三 同……………七三三

●●● 同 前

卷第二十四 同……………七四四

●●● 同 前

卷第二十五 同……………七五五

●鎌倉時代寫東大寺藏本
②寶永元年版本

卷第二十六 分別智品……………七六四

●保延三年覺樹校石山寺藏本
●德川時代補寫東大寺藏本
②寶永元年版本

卷第二十七 同……………七七六

●●● 同 前

卷第二十八 分別定品……………七八七

●保延三年覺樹校石山寺藏本
●鎌倉時代寫東大寺藏本
②寶永元年版本

卷等二十九 同……………七九八

●④② 同前

破執我品……………八〇三

卷第三十 同……………八〇六

●④② 同前

一八二三 俱舍論頌疏論本(三十卷) [cf. Nos. 1558, 1560] ……………唐 圓 暉 述……………八一三

俱舍論記卷第一

沙門釋·光述

分別界品第一之一

將釋論文三門分別。一明論緣起。二釋論題目三隨文別解。蓋俱舍論者。筏蘇槃豆之所作也。筏蘇名世。槃豆名親。印度有天俗號世親。世人親近供養。故以名焉。善薩父母。從所乞處爲名也。舊譯爲天。此翻善薩學通內外博達古今名振五天聲流四主故能潛名數載討廣說之教源製論一時播芳名於萬古密中傳說有部懷疑請釋頌本文方法宿滯斯論乃文同鉤鎖結引萬端義等連環始終無絕探六足之綱要備盡無遺顯八蘊之妙門如觀掌內雖述一切有義時以經部正之論師據理爲宗非存朋執遂使九十六道同翫斯文十八異部俱欣祕典自解開異見部製群分各謂連城齊稱照乘唯此一論卓乎迥秀猶妙高之據宏海等赫日之暎衆星故印度學徒號爲聰明論也往有三藏真諦法師已於頌表譯茲論說但爲方言未融時有舛錯至如現法非得先哲同疑常非果因前賢莫辨如斯等類難可備詳略舉二三以彰今譯和上三藏法師志存弘傳暫遊西域搜揚奧典盡罄嶺之遺言析微法門窮上賢之餘說既而遍觀其聖跡問道復周旋勒上京奉詔翻譯

此論以永徽年中於大慈恩寺譯。文義周備妙理無虧。傳彼梵言務存其本。庶使懷疑之侶。渙若永消。佇決之徒。實忘食寢。此即第一明論緣起。

言釋題目者。阿毘達磨。形二藏以立名。俱舍標一部之別稱。阿毘言對。能所對故。達磨。名法。持生解故。俱舍。名藏。攝依彼故。論。謂言論教誡學徒。此卷在初故稱第一。

分別界品第一者。此下第三隨文別解。就中有三。一明依經造論。二別釋品名。三依文正解。一明依經造論者。西方造論皆釋佛經。經教雖多。略有三種。謂三法印。一諸行無常。二諸法無我。三涅槃寂靜。此印諸法故名法印。若順此印即是佛經。若違此印即非佛說。故後作論者皆釋法印。於中意樂廣略不同。或有偏釋一法印。或有舉一以明三。如五蘊論等。唯解諸行無常。如涅槃論等。唯釋涅槃寂靜。此即偏釋一法印。如俱舍論等。解諸法無我。此即是舉三以明三。所以就此釋者。諸行無常唯明有爲。涅槃寂靜唯明無爲。諸法無我通明有爲無爲。欲彰此論無事不攝。故就廣以明。二別釋品名者。就中有二。一正釋品名。二明品之前後。言正釋品名者。族義持義。性義。名界。品謂品類。即界名品。故名界品。此品廣明故名分別。此論始終總有九品。此品居初故言第一。或言第一帶數釋也。問此品之中亦明蘊處。何

故以界標名。解云。界者性也。性之言體。此品明諸法體。以界標名。蘊處非體。故不別說。又解。蘊處界三中。界名義廣。故偏說之。處雖義廣。名狹不說。蘊名與義俱狹不說。又解。有情根性有上中下。上根樂略說蘊便解。中根稍遲辨處方了。下根好廣談界乃悟。上能兼下。界益三根。下不及上。處二蘊一。益廣爲勝。故以界標名。又解。此品廣以諸門分別十八界義。故以界標名。蘊處不爾。二明品之前後者。此論一部總有九品。釋佛經中諸法無我。前八品明諸法事。雖亦明理從多分說。或非正明。後一品釋無我理。雖亦明事從多分說。或非正明。事應先說。理細後明。又解。事是所依。所以先說。理是能依。所以後說。就前八品中。初二品總明有漏無漏。後六品別明有漏無漏。總是其本。所以先明。依總釋別。所以後說。即如諸論先舉總章。後方別釋。就總明中。界品明諸法體。雖亦明用。從多分說。或非正明。根品明諸法用。雖亦明體。從多分說。或非正明。體是其本。故先明界。依體起用。故次明根。就別明六品中。前三品明有漏法。於中雖亦明無漏法。從多分說。或非正明。後三品明無漏法。於中雖亦明有漏法。從多分說。或非正明。有漏法麤。所以先說。無漏法細。所以後明。如四諦中先明苦集後明滅道。又解。有漏可厭。所以先明。厭已令欣。所以無漏後說。又解。有漏無始來起。

①德川時代補寫東大寺藏本 ②元祿十五年版本 ③(普)十光④之一二論本第一 校者曰各卷原本題號撰品題及尾題不一准故考訂改置以示各本異同 ⑤誤二映⑥同二問⑦今二令⑧揭二揚⑨析微二研⑩漢二煥⑪(已)十忘⑫(言)一

是故先明。無漏新生。是故後說。就別明。有漏中有其三品。謂世業隨眠。約果因。緣三以明。前後世品。有漏果。相離易厭。所以先明。於中雖亦明。因及緣。從多分說。或非正明。業品明。感果之因。果必由因而起。必其力勝。所以次說。於中雖亦明。果及緣。從多分說。或非正明。隨眠品明。業之緣。業自不能感果。必藉其緣。隨眠生果稍劣。所以後辨。於中雖亦明。果及因。從多分說。或非正明。就別明。無漏法中。有其三品。謂賢聖智定。亦約果因。緣三以辨。前後賢聖品明。無漏果。相顯易欣。故。所以先說。於中雖亦明。因及緣。從多分說。或非正明。智品明。證果之因。果必藉因。又證果強。所以次說。於中雖亦明。果及緣。從多分說。成非正明。定品明。智之緣。智獨不能證果。必依定緣。定望彼果。其力稍劣。所以後說。於中雖亦明。果及因。從多分說。或非正明。

諸一切種至我當說者。此下第三依文正解。此論一部大文有三。一序分。二正宗。三流通。聖人造論。必有由致。故初明序分。序分既彰。必有所說。故次明正宗。正宗既終。勸學流通。故後明流通。釋斯三分三解不同。第一解曰。初三行頌名序分。何法名為已下。至破我品。名正宗。破我品末已善說此。已下。名流通分。此論一部。總釋經中諸法無我。故破我品亦正宗攝。雖定品末。傷歎勸學。為在正宗前。故亦名正宗。第二

解云。序分同前。何法名為已下。至定品。名正宗。從定品末。前來分別以下。總名流通。所以破我品亦名流通。者以乘流通分起問。剩明破我品為在流通後故。亦名流通。第三解曰。此論釋經諸法無我。前八品明。諸法有體。除損滅執。即有三分。序分。正宗。第二師。從前。未分別已下。至定品末。名流通分。後一品明。無我除損滅執。亦有三分。初兩句。越此依餘豈無解。說名序分。理定無有已下。名正宗。已善說此。已下。名流通。以釋經中二義。所以各別有三分不同。隨明諸論正宗定有。序分。流通。有無不定。或有序分而無流通。如毘婆沙論。或有流通而無序分。如二十唯識。或二分俱有。如此論說。或二分俱無。如發智論。隨作論者意各異故。就序分中。一正明序分。二隨難別解。此初一行頌正明序分。就中。前三句明歸敬序。第四句明發起序。歸敬謂歸敬世尊。發起謂發起正宗。故先歸敬後明發起。問何故。論初讚德。歸敬。解云。恐有魔事。造論不終。讚德歸敬。請加備故。故顯宗云。以讚禮言。滅諸惡障。標嘉瑞故。又解。為知世尊有勝功德。於佛說法。生信尊重。又解。猶如孝子。凡有所作。皆啟父母。論主亦爾。今欲造論。先啟世尊。泛明諸論。歸敬發起。有無不定。或有歸敬而無發起。如阿毘曇心論。或有發起而無歸敬。如雜心論。或二序俱有。如俱舍論。或二序俱無。如發智論。

亦隨作論者意各異故。就歸敬序中。初兩句明佛三德。第三句指德歸敬。就前兩句中。初之諸字。明德所成人。一切已下。明人所成德。依人辨德。故人先德後。初說諸言。顯無朋黨。以德召人。諸有三德。我即歸敬。以諸外道各謂自師。是一切智。若偏歸敬。釋迦牟尼。恐彼生謗。故置諸言。息其異論。或恐佛化根淺有情。權作彼師。引人正法。故置諸言。此之諸字。起自西方母兒論師。凡欲歸敬。皆置諸言。論主。將為當理。故亦言諸。就人所成德中。上句六字。明自利德。下一句明利他德。所以先明自利後明利他者。若不自利。何能利他。經言善薩為利他者。據意樂說。一切種諸冥滅者。此明自利德。冥有二種。一染污無知。二不染無知。滅亦有二。一者擇滅。二者擇滅。一切種冥滅斷不染無知。得非擇滅。此顯智德。諸冥滅斷染污無知。得非擇滅。此顯斷德。冥滅二字通於兩處。不染無知。種類。衆多故言一切。染污無知。種類非多。故但言諸。或一切與諸眼目異名。或一切與諸雖眼目異名。此中且以一切為寬。諸言是狹。所以染污不言種者。種謂種類。不染無知種類無邊。是故言種。染污無知種類非多。故不言種。或應言種。略而不論。或可彰顯。或此種言通於兩處。自利德中。所以先明智德後明斷德者。智德唯佛是故先說。斷德亦通二乘。是故後明。又解。智德有為是故先

說斷德無爲是故後明 又解。智因先說斷果後明 拔衆生出生死泥者。此明利他德。謂拔衆生出生死泥。此顯恩德。受衆多生死故名衆生。夫生必死。言生可以攝死。故言衆生。死不必生。如入涅槃。是故不言衆死。或舉初顯後。設有餘文。言衆死者。舉後顯初。生死無邊深廣難出。故以喻泥。敬禮如是如理師者。指德歸敬。如是之言。指上三德。問何故。長行云。如理師言顯利他德。解云。但說利他。即顯自利。夫利他者必自利。故又解。敬禮如是三德。敬禮如理師。如是。總指三德。如理師言。別顯利他德。問何故。此論但敬三德。不言三寶。解曰。三德三寶。其義不同。隨造論者意樂說故。泛明諸論。三德三寶。有無不定。或說三德。不言三寶。如此論說。或說三寶。不言三德。如阿毘曇心論。或二種俱說。亦應有文。然未檢得。或二俱不說。如發智論。又解。此論亦敬佛寶。於智德中兼顯佛故。又解。此論亦敬法寶。涅槃果法。即斷德故。不言僧者。略而不論。或四向四果說之爲僧。世親菩薩。一阿僧祇耶向滿。智慧勝彼。故不歸敬。問何故論主造攝論中亦敬僧耶。解曰。僧者謂衆。大乘菩薩容有衆多。同時入聖。名僧歸敬。此宗菩薩。唯一得入三十四心。不名爲僧。故不歸敬。又解。此論亦敬僧寶。於恩德中兼顯僧故。故下論云。正法教手拔濟令出。泥拔衆生。令出三界。即顯僧

寶。真諦三藏。亦作此解。對法藏論我當說者。此明發起序。對法藏論。下文自釋。我當說者。五蘊假者目之爲我。當說之言。簡已正說。歸世尊既終。許發論端。言我當說。次欲造論。故先發起。論曰。至方中敬禮者。就長行中。一總標頌意。二別釋頌文。此即總標。論主。今欲造俱舍論。雖復以德召入本意。爲顯釋迦自師。德體尊高。超諸二乘。菩薩聖衆。故先讚德。方申敬禮。或聖衆者。諸外道等。自謂聖衆。諸言所表。謂佛世尊者。此下別釋。以德召人。餘人無德。諸言雖總還表世尊。此能破闇。故稱冥滅者。此通伏難。伏難意云。諸言是總。如何表佛。故今通言。此佛世尊智慧能破二種闇冥。故稱世尊。二冥俱滅。由佛世尊二冥滅故。諸言雖總還表世尊。又解。此文別顯能破闇人。此佛力能永破諸闇。故稱世尊冥滅。言一切種至一切品冥者。謂滅諸境冥。斷染污無知。諸境即是四諦。修道。迷此境故說之爲冥。此釋諸冥滅。故正理云。諸境界冥亦永滅。故斷德圓滿。謂滅一切品冥。斷不染無知。一切品即一切法品類。迷此品故說之爲冥。此釋一切種冥滅。故正理云。一切種冥皆永滅。故智德圓滿。問何故頌文先說一切。長行後明。解云。頌本義次。長行言便。或阿毘達磨。性相以求。言便即說前後何定。問智德斷德。以何爲體。解云。智德以佛身中智慧爲體。若并隨行五蘊爲體。斷德以擇滅爲體。

問若言斷德擇滅爲體。何故俱舍二十七云。斷四德有四種。一一切煩惱斷。二一切定障斷。三畢竟斷。四并習斷。准彼論文。若一切煩惱障斷得擇滅。若不染無知定障斷得擇滅。即前二障斷已不退名畢竟斷。通得擇滅及非擇滅。此簡異鈍根。如來不但斷彼煩惱。并彼煩惱習氣亦斷得非擇滅。生簡利根二乘。又解。并習斷者。不但斷煩惱障。定障。并二障習氣亦斷。准彼斷德通非擇滅。何故唯說擇滅爲體。解云。斷德從強擇滅爲體。若據其兼通非擇滅。故不相違。又解。斷德唯以擇滅爲體。然有定障等擇滅不顯定障等若無擇滅即顯能顯斷故名斷四德。又解。彼文四斷皆是擇滅。若煩惱斷是自性斷。緣縛斷若定障斷并習斷是緣縛斷。若畢竟斷通自性斷緣縛斷。以諸無知至故說爲冥者。此釋冥義。染與不染無知非一。名諸無知。若染無知能覆理。事二種實義。不染無知能障理事二種實見。又解。能覆實義是不染無知。能障實見是染無知。又解。能覆實義謂覆外境。能障實見謂障內心。能覆能障皆是冥義通。二無知。問染污無知何。以爲體。解云。以無明爲體。所以不言餘煩惱者。無明通與諸惑相應。若說無明亦顯餘惑。問不染無知其義云何。解云。將釋此義。略以三門分別。一出體。二釋名。三諸門分別。就出體中。一叙異說。二出過非。三述正義。言叙異說者。人及論說。總有十一師。第一師

●故二已● ●(於)十出● ●(泥)一● ●(亦)一● ●能二德● ●(以)一●*

言不染無知。以未成佛來。鈍異熟無記心。心所法爲體。第二師云。不染無知。以未成佛來。鈍四無記心心所法爲體。第三西方德光論師云。不染無知。以未成佛來。鈍自性無記心心所法爲體。而非四無記攝。通於三界恒成過未。第四師云。不染無知。以未成佛來。鈍衆同分爲體。依此同分所起慧等觀境不明。第五師云。不染無知。以不自在爲體。故正理七十。出解脫障體中云。有餘師說。此解脫障。即以於諸定不自在爲體。第六師云。不染無知。以非得爲體。故正理七十云。有餘師說。此解脫障。即以諸定不得爲體。第七師云。不染無知。以不勤求等爲體。故正理七十云。有餘師說。於彼加行不勤求故。不聽聞故。不數習故。解脫不生。即此名爲解脫障體。第八師云。不染無知。以智無爲體。故正理二十八云。解二無知差別中云。有作是說。若能障智是染無知。不染無知唯智非有。解云。此無明體能障智明。能障之體是染無知。智無之處說爲不染。又解。是經部師義。第九師云。不染無知。以心心所法總習氣爲體。故正理二十八云。心及所總名習氣。解云。正理雖無別計。准古師破知有此說。此說心心所法所有習氣總名無知。無知習氣無有寬狹。第十師云。不染無知。即名習氣。心所法中別有體性。故正理二十八云。有古師說。習氣相言。有不染汚心所差別。染不染法。數習所引。非一

切智相續。現行。令心心所不自在轉。是名習氣。解云。古師是說一切有部古師。此古師說。於心所中別有一體名爲習氣。是不染無知。習氣無知體無寬狹。如染無知別有無明。通由一切染不染法數習所引。未成佛來。一切心品恒相續生。令所俱心。不自在轉。雖復遍與三性相應。然其體是無覆無記。第十一師云。不染無知。以習氣爲體。故正理云。大德。遷摩作如是說。有不染法名爲習氣。如不善因所招異熟。世尊昔在菩薩位中。三無數劫修諸加行。雖有煩惱。而能漸除。煩惱所引不染習氣。白法習氣漸令增長。彼於永斷諸漏得時。前諸習氣有滅不滅。以於長時修加行故。證得無上諸漏永盡。然佛猶有白法習氣。言習氣有滅不滅故。解云。此師執。有別法是不染汚。而能障慧。如不善因招異熟果。別有體故。然此無知即是一切煩惱習氣。餘文可知。遷摩此云喜樂。二出過非者。破第一師云。若不染無知。異熟無記心心所法爲體性者。二乘無學。異熟生心不現在前。非成就故。應名爲佛。若言以必起故不名佛者。後起成時可不名佛。未起不成。應名爲佛。若言有習氣故不名佛者。是即由彼不名爲佛。何關異熟心心所法。故說非理。破第二師云。若不染無知。以四無記心等爲體者。欲色二界無覆無記不現在前。容成過未。無色無學。異熟生心不現在前。非成過未。應名爲佛。故亦非理。

若言以必起故。有習氣故。不名爲佛者。准前微破。故亦非理。破第三師云。若不染無知。以自性無記心等爲體。通三界中恒成過未者。雖無不成之過。然與識身足論十四相違。彼論解十二心中。生無色界異熟生心不現在前。不成就無覆無記心。既違此說。故亦非理。破第四師云。若不染無知。以衆同分爲體者。別作一途。或容此說。檢尋諸論。全無此文。故亦非理。破第五師云。若以不自在爲障體者。正理七十破云。必有少法力。爲能障。令彼於定不自在轉。若不爾者。彼有何緣。於諸定中不得自在。解云。必有少不染無知法。破第六師云。若以不得爲障體者。正理七十破云。不得定者。必有所因。不可說言。即因不得。自體不應還因。自故。或煩惱障。亦應可說。即以應果不得爲性。彼既不然。此云何爾。破第七師云。若以不勤求等爲障體者。正理七十破云。阿羅漢果。亦由於加行不勤求等故。體不得生。豈便無別煩惱障體。破第八師云。若不染無知。以智無爲體者。正理二十八云。古師破云。非唯智無。無法無容能爲。因破第九師云。若不染無知。以心心所總名習氣爲體性者。正理二十八。古師破云。亦不應說有如。是類心及心所。總名習氣。不染無知前已說。謂此無知。爲自性住心等爲體。爲有差別。若自性住心等爲體。佛亦應有不染無知。若有差別。能差別者。可是無知。非所差

①出二於②* ③云一④ ⑤(心)十所⑥ ⑦遷二還*⑧ ⑨彼二後⑩* ⑪而二與⑫ ⑬復二處⑭ ⑮爲能一能爲⑯ ⑰因十(故)⑱

別。現見善等品類差別心。心中必有別法。為能差別。非即一切。如善品中必有信等。不善品中有無漸等。染污品中有放逸等。如是等類。心中必有別法。為能差別。故知。此中亦有別法。為能差別者。是不染無知。解云。准此破文。故知有總計家。破第十師云。若不染無知。於心中別有二體者。正理二十八云。正義家破云。今詳。彼言有太過失。諸異生等。心中所法。皆不如實覺味勢熟等相。然不見生餘心。心所故。又一一念。彼心心所差別而生。應念念中各有別別無知法起。若謂有異相令。無知差別。即此是能差別心品。何須別計不染無知。解云。若未知位此法恒行。一切異生聲聞獨覺。皆不了知故。應並有無知。而實不見生餘心品。但有善等諸心所生。若謂此法不違一切。於念念中常相應者。所相應品有差別。故應有差別。由彼差別令相應品別異而生。若謂異相是差別者。即彼異相。能令心品別別無知。何勞別法。破第十一。選摩云。若不染無知。以習氣為體者。正理二十八破云。如是所說理亦可然。而彼不能顯其體性。不染習氣其體是何。非但虛言令生實解。解云。總言習氣。理亦無違。不能顯體。終成謬說也。三述正義者。不染無知。以未成佛來。所有一切有漏無染劣慧為體。故正理二十八云。是故即於味勢熟等。不勤求解慧。與異相法俱為因。引生彼同類慧。此慧。於解又不勤求。復為因引生。不勤求解慧。如是展轉

無始時來。因果相仍。習以成性。故。即於彼味等境中。數習於解。無堪能智。此所引劣智名不染無知。即此俱生心。心所法總名習氣。理定應然。或諸有情有煩惱位。所有無染心及相續。由諸煩惱間難所熏。有能順生煩惱氣分。故諸無染心。及眷屬。似彼行相差別而生。由數習力相繼而起。故離過身中。仍名有習氣。一切智者。永斷不行。然於已斷見所斷位。通染不染心。相續中。有餘順生煩惱習性。是見所斷煩惱氣分。於中染者。說名類性。金剛道斷皆不現行。若不染者。名見所斷煩惱習氣。亦彼道斷。由根差別有行不行。若於已斷修所斷位。唯於不染心。相續中。有餘順生煩惱習性。是修所斷煩惱氣分。名修所斷煩惱習氣。是有漏故。無學已斷。隨根勝劣。有行不行。世尊已得法自在故。彼如是煩惱畢竟不行。故佛獨稱善淨相續。即由此故。行無誤失。得不共法三念住等。又由此故。密意說言。唯佛獨名得無學果。解云。正理意說。不染無知。劣慧為體。無知狹習氣寬然。解習氣二解不同。一解。劣慧俱生心。心所法總名習氣。一解。習氣不但通生心。心所法亦通相續身。又婆沙一百五十三。出解脫障體中云。解脫障。有說。以下無知為體。有說。於定不自在為體。有說。諸定不得為體。婆沙雖無評家。准正理論。以初師為正。故正理七十於解脫障體總有四師。初師云。有劣無知無覆無記性。

能障解脫。是解脫障體。第二師以不自在為體。第三師以不得為體。第四師以不勤求等為體。又云。初說應理故。彼三師說具如前說。以此文證。故知。不染無知劣慧為體。又元瑜法師。解順正理。或諸有情已下云。以諸無染心。及相續身中。有諸煩惱熏成氣分。是無明多者。善心現行亦多。間味隨順無明。餘例亦爾。以此習氣名。此無知。此體是何。以未成佛來。一切有漏善。無記法。順無明故。達遍知故。皆名無知。如是氣分染品。亦有漏。於染攝。故此不論。故於已斷見所斷位。謂從預流乃至無學。染不染品。皆有見所斷煩惱習性。唯除無漏。染名類性煩惱類故。不染名習氣。習煩惱成故。此意總以無染有漏若心。若身順煩惱者。似煩惱故。名為習氣。不染無知。習氣無知。無有寬狹。佛身畢竟不順煩惱。斷習氣故。名淨相續。更不學慧。方名無學。餘文可知。第二釋名者。體非染故名。為不染。於境不悟名曰無知。無知即不染。名不染無知。持業釋也。或名習氣。故正理云。此不染無知。即說名習氣。言習氣者。習謂數習。氣謂氣分。有諸煩惱及劣智等數習氣分。故名習氣。習之氣故。名為習氣。依主釋也。又解。即習名氣。有諸煩惱等。所習氣分。持業釋也。或名不勤求解慧。或名無堪能智。或名劣智。或名劣無知。如正理說。或名下無智。或名邪智。如婆沙說。此等諸名名異體同。思之。

可解 三諸門分別者。一對染辨差別。二對習明寬狹。三三性分別。四明斷分位。一對染辨差別者。正理論總有三解。第一解云。今詳。二種無知相別。謂由此故立愚。智殊如是名為染無知相。若由此故。或有境中智不及愚是第二相。解曰。愚謂異生。智謂聖者。此二差別由染無知。斷名聖者。不斷名凡。若由此不染無知有輕重故。諸境中。或有阿羅漢不識赤鹽。然有異生善通三藏。是名於境智不及愚。第二解云。又若斷已。佛二乘皆無差別。是第一相。若有斷已。佛與二乘有行不行。是第二相。解云。染污無知。三乘同斷齊不現行。名無差別。或同證擇滅名無差別。不染無知雖復三乘同斷緣縛。二乘現行。佛不現行。第三解曰。又若於事自共相愚。是名第一染無知相。若於諸法味勢熟德數量處。時同異等相。不能如實覺。是名不染無知。解云。若於諸事迷自性迷共相是染無知。若於諸法微細差別味勢熟德數量處。不能如實覺。是名不染無知。第二對習明寬狹者。無知狹習氣寬。不染無知必是習氣。有是習氣而非無知。謂無知俱生心心所法。或相續身。所有習氣。第三三性分別者。不染無知通善無覆無記。既言不染。明非不善有覆無記。若通於善。無色無學恒成就故。可不名佛。若唯無記。無色無學異

熟生心不現在前。不成就故應名爲佛。以此而言故亦通善。問若通善者。何故婆沙第九云。問此邪智是何。答此是欲界修所斷中。無覆無記邪行相智。如於起入想。及於人起。起想。於非道起道想。於道起非道想。如是等。又正理七十云。有劣無知無覆無記性能障解脫。是解脫障體又云。諸大論師咸言。練根皆爲遮遣見修斷惑力所引發。無覆無記無知現行。准彼兩論。但言無記。解云。婆沙但解邪行相。智非實知故名之爲邪。故言無記。正理出解脫障體及根障體。故言無記。今者總出一切不染無知體性。故亦通善。或無知有二。一者是善障法力劣。二者無記障法力勝。婆沙。正理據勝而說。故言無記。今言通善亦據劣明。又解諸論皆云。不染無知無覆無記。明知不通於善。雖亦有時不成。無覆心心所法。以必起故。有習氣故。不名爲佛。雖有兩解意謂前勝。若難後家准前應說。第四明斷分位者。此不染無知。若菩薩三無數劫隨位漸斷。至金剛喻定方總斷過。若二乘等雖有分斷。而非斷過。應知此中所言斷者畢竟不生得非擇滅。名之爲斷。非擇滅若據擇滅。三乘同斷即無差別。問菩薩斷不染無知。得非擇滅。於何位得。解云。至金剛喻定方總斷盡得非擇滅。問見道所斷染污無知。增上忍時定不行。故得非擇滅。不染無知三十四念亦定不行。何故不於見道初位得非擇滅。解

云。得非擇滅但據闕緣。勝緣闕時方得彼滅。至金剛喻三摩地時。不染無知勝緣方闕。故於此位得非擇滅。如現觀邊世俗智等。雖復體性畢竟不生。於前位中亦不出觀。然至三諦現觀後邊。勝緣闕故得非擇滅。故正理論解三現觀邊世俗智云。謂於爾時起得自在。餘緣障故體不現前。論文已上。不染無知例亦可爾。見染無知增上忍位。亦勝緣闕得非擇滅。故不成例。若據西方師說。三十四念亦容出觀。即不成難。應知此論。據證不生名之爲斷。且說未來。若據不成名之爲斷。亦通過去。唯佛世尊至故稱爲滅者。此釋滅義。唯簡二乘。成就名爲得。不退名永對治。對治有二。一者聖道。二如實覺。一切境。謂四諦及修道。一切種。謂一切種類。冥有二種。謂不染。不生亦二。一者擇滅。二者非擇滅。無爲體常故言不生。唯佛世尊得永對治聖道故。於一切理。事境染污冥證擇滅不生法。故稱爲滅。得永對治如實覺故。於一切種類不染污冥證。非擇滅不生法。故稱爲滅。聲聞獨覺至非一切種者。學劣顯勝。二乘雖滅諸冥與世尊等。以染無知畢竟斷故。名爲二乘。非斷一切種不染無知故。不名爲佛。所以者何者。問何以得知。三乘非斷一切種冥。由於佛法至猶未斷故者。答。佛法。謂佛身中十力等法。又解。佛所知法。即極遠等極遠時。謂八萬劫外時。極遠處。謂三千大

①(名)一②(熟)十或③德二能④(所)一⑤(不)十通⑥(善)一⑦*善二故⑧過二盡⑨*(有)一⑩後二披
⑪*知二智⑫釋二擇⑬(何故)十何⑭

千世界外處。諸義類。謂一切法種種義類無邊差別。聲聞獨覺不染無知猶未斷故。於極遠等所以不知。由不知故。顯彼非能斷一切種。然諸論說二乘能斷不染無知者。據緣縛斷說。已證世尊至利他德圓者。此結引也。拔衆生出至所以譬泥者。據頌別釋生死泥也。由彼生死。是諸衆生沈處溺處。難可出故。或深故名沈處。黏故名溺處。濁故難出。所以譬泥。謂業異熟爲土。煩惱爲水。更相間雜名生死泥。卽生死名泥。持業釋也。又解。生死泥。以一切有漏法爲體。由彼受於多生死故。學人漸出。若無學人。盡此一生更不受故。得名爲出。又解。生死之泥。名生死泥。生死卽異熟果。泥卽惡業煩惱。若學人分出。生死之泥。若無學人出。生死之泥。總盡又解。未來生死名之爲泥。若學人更受。未名爲出。無學不受。得名爲出。故十二緣起中。未來名生老死。衆生於中至拔濟令出者。此釋拔濟義。衆生於生死泥中。沈淪沒溺無能救者故。世尊哀憐愍念投機說法。隨授所應三乘正法教手。拔濟令出。故正理云。授正法教手。拔衆生出。生死泥。故恩德圓滿。問恩德以何爲體。解云。以大悲爲體。若據隨行五蘊爲體。故顯宗云。諸有成。就巧智大悲授。如應言拔濟令出。彼論巧智卽是大悲。或可。恩德以善巧智及大悲爲體。已讚佛德次申敬禮者。此結引也。敬禮如是至名如理師者。稽

之言至首之言頭。以己之尊接佛之卑。故稱敬禮。總指三德故云。如是。如實無倒教授衆生。令行善法。誠勸衆生。令不造惡。名如理師。故婆沙十六云。遮無利益故名教誡。與有利益故名教授。如彼廣說。如理師言至與願神通者。上雖具陳三德。今復偏敬利他。此頌應言敬禮如是。自他利德。敬禮如理師。利他德。此利他德益物爲勝。故重歸敬。但由正教拔濟有情。令出生死。不由輪王等威力。不由天神等與願。不由示現神通。令出生死。此三但能暫時拔濟。非能究竟令出生死。禮如理師欲何所作。問歸敬意。對法藏論至故稱爲論者。舉頌答。教誡學徒行善斷惡。故名爲論。其論者何者。問。謂對法藏者。答。何謂對法者。此下第二隨難別解。就中。一出對法體。二釋藏名。三明說意。說人。此卽出對法體。頌前問起。頌曰至諸慧論者。頌答。淨慧隨行名爲對法。及能得此無漏淨慧諸慧諸論。亦名對法。梵云伽陀。此翻名頌。舊云偈詠也。論曰至阿毘達磨者。就長行中。一出體。二釋名。此下出體。釋頌上句。慧謂簡擇四聖諦法。淨謂無漏。離二縛故。故名淨慧。問何故相應俱有等中偏說慧耶。解云。唯慧一種具三現觀。推求名見。慮境名緣。成辨名事。故獨標名。餘心心所有緣事二無見現觀。餘俱有法唯。事現觀無見緣二。故不標名。或

慧斷惑強故獨標名。問何故不言淨忍智見。而言淨慧。解云。有忍非智。如八忍。有智非見。如盡無生。慧具攝三。以名寬故獨立淨慧。眷屬卽慧相應俱有及得名曰隨行。問相應俱有。俱有因故可名隨行。得非俱有因。如何說隨行。解曰。隨順名隨非要成。因。問法俱。法後可說名隨。得在法前如何隨行。解曰。性相隨順說名爲隨。非要俱後方名爲隨。問若得是隨行者。何故諸論解俱有因中。得非隨轉。又婆沙第三解得非世等第一法中云。得與彼法不相隨行。准彼諸論得非隨行。解云。隨轉有二。一俱有因故名隨轉。二相隨順故名隨轉。隨行亦有二。一俱有因名隨行。二相隨順故名隨行。若諸論中說得名隨行隨轉。據相隨順說。若諸論中說得非隨轉隨行。據非俱有因說。又解。准彼引文得非隨行。問隨行爲攝慧不。解云。亦攝於慧。淨慧及眷屬皆名隨行。彼此展轉互隨行故。故婆沙八十一出。喜無量體云。喜者以喜根爲自性。若兼取相應隨轉。欲界者四蘊爲自性。色界者五蘊爲自性。又正理顯宗三念。住中解。相雜念住。皆言攝慧。以三念住中。唯相雜念住能斷惑故。至念住中當具引釋。又解。隨行不攝於慧。隨慧行故名曰隨行。婆沙據互相隨轉。正理顯宗據更相交雜。各據一義。並不相違。雖有兩解。先解爲勝。如是總說無漏五蘊名爲對法。此卽勝義阿毘達磨。是無漏

①泥二波②[故]一③*④出十(過)⑤[翻]一⑥(有)十求⑦[等]一⑧[住]一⑨相二總*

故名勝。有義用故名義。勝即名義。即勝義名。阿毘達磨。持業釋也。若說世俗至阿毘達磨者。釋頌下句。言世俗者有漏之法。障障真理名世。事相顯現隨順俗情名俗。又解。有漏之法可毀壞故。有對治故。名為世俗。即世名俗。即世俗名阿毘達磨。持業釋也。即能得此淨慧對法諸慧諸論。慧謂得此淨慧對法。有漏諸慧。修慧謂。煖等四善根。思慧謂總別念住。聞慧謂五停心觀。生得慧謂能受持三藏教法。但依一相明四種慧。漸入觀位前後次第未是盡理。若據盡理共相別相及五。停位皆通修慧思慧聞慧。下文當辨。有漏四慧。依漸次第應順次說四。今望聖道親疎近遠故逆說四。有古德說聞慧緣名亦能受持讀誦者。此解不然。當毘婆沙不正義故婆沙四十二云。評曰應作是說。若於三藏十二分教。受持讀誦究竟流布是生得慧。問何故不許聞慧受持讀誦。解云。若正聞者唯生得慧。由聞所成名聞慧故。有漏四慧自性皆慧。若辨隨行皆通五蘊。思聞生得皆能發業。同一性故性相隨順。亦名隨行。故通色蘊。問如何得知聞思二慧能發業耶。解云。正理四十二曰。諸律儀果。有從加行善所生。有從生得善心所生。若從加行善心生。律儀先捨後斷善根。又婆沙云。問。相異熟業以何為自性。為身業。為語業。為意業耶。答三業為自性。又婆沙曰。問相異熟業。為聞所成思所成修所

成耶。答唯思所成。非聞非修。所以者何。此業勝故非聞所成。欲界繫故非修所成。有說此業通聞思所成。但非修所成。以此文證。故知聞思能發身語。問若言聞思能發身語。既能發語。即能受持三藏教法。何故但言生得慧耶。解云。聞思能發勝身語業。彼業非勝。故唯生得。然古德說。加行善心不能發身語業。引婆沙四十七證云。問色界善心一切皆有。隨轉戒不。答非。一切有謂初靜慮有六。善心。無隨轉戒。一善眼識。二善耳識。三善身識。四死時。善心。五起表。善心。六聞所成慧相應。善心。古德意言。婆沙既聞慧外別說發表心。故知聞慧不能發業。難云。命終是生得。別說生得能發業。何妨聞慧外別說聞慧能發業。若言命終心劣不能發業。所以別說生得發業心。何妨聞慧不發業者。說聞慧心能發業者亦發業心攝。故非定證。況有明文。以此故知。古德說非理。又解有漏四慧相應俱有。是俱有因者。方名隨行。論謂展轉傳生無漏慧者。論望聖道。最疎遠故在慧後說。此諸慧論雖望聖道前加行位中遠近不同。皆是聖道勝資糧故。亦得名為阿毘達磨。言諸論者謂六足發智。但言本論可以收束。或可。諸論亦攝末論。言六足者。舍利子。造集異門足論。一萬二千頌。略本八千頌也。舍利子云。百舌鳥。造法蘊足論。六千頌。唐言。故法蘊足論云。大探裁氏。大迦多衍那。造施設足論。一萬八千

頌。迦多此云。剪剃。衍此云。種。那。世時造佛涅槃後一百年中。提婆設摩。造識身足論。七千頌。此云。至三百年初。筏蘇密多羅。造品類足論。六千頌。即是舊業事分。又造界身足論。廣本六千頌。略本七百頌。密多羅此云。世友。非婆沙。至三百年末。迦多衍那。造發智論。二萬五千頌。後代誦者廣略不同。一本一萬八千頌。一本一萬六千頌。此本即是和上所翻。前之六論義門稍少。發智一論法門最廣。故後代論師說六為足。發智為身。此上七論。是說一切有部根本論也。和上唯施設足論未翻。餘之六論皆悉翻訖。論釋此名者至故稱對法者。此釋對法名。一釋對法。二釋對。位釋法名有二。一能持自性。謂一切法各守自性。如色等性常不變。二軌生勝解。如無常等生入無常等解。此文且據能持以釋。軌生勝解略而不存。義亦應有。或可。影顯。相之言性能持自性故名為法。又解。於一體上性能持分。望自名性。望他緣邊名相。義說性能持相。若諸論說能持自性。即相能持性其法不同略有二種。一勝義法。二法相法。若勝義法唯涅槃果。是善常故名勝。有實體故名義。即勝名義。即勝義名法。持業釋也。涅槃此云。圓寂。若法相法通四諦境。即法相名法。持業釋也。若據法相法。持自性故名之為法。亦通虛空及非擇滅。以此二種非諦攝故。非果攝故。非與無漏慧為境故。此中不說。此能對向涅槃果

①十(心)②者二音③辨二并④四十七二十七?⑤善二種⑥善二識⑦善二毛⑧者二教⑨最二言⑩二二三⑪(非婆...體)十字一⑫法十(名)⑬位二泛⑭法一⑮法二性

法故名對向以因對果。趣向名因所欣名果。或約性因性果以說。謂無漏慧是真對向。餘修慧等生真對向故名對向。解脫勝進雖望當品不名對向。望後所證亦對向或望無餘涅槃。四道皆名對向。又能生對向故名對向。又解。思慧散位勝故亦名對向。餘聞慧等能生對向故名對向。又解。聞慧加行善時亦名對向。餘生得等能生對向故名對向。又解。生得慧以能分別趣涅槃故亦名對向。論者能生對向故名對向。又解。所有無漏有漏慧等。及諸論。皆有力能對向涅槃。勝義果法皆名對向。或能對觀四聖諦境故名對觀。以心對境。謂無漏慧是真對觀。餘修慧等生真對觀。故名對觀。或是對向而非對觀。又解。修慧能觀諦故亦名對觀。餘思慧等能生對觀故亦名對觀。或是對向而非對觀。又解。思慧散位學觀諦勝亦名對觀。餘聞慧等能生對觀故名對觀。或是對向而非對觀。又解。聞慧加行善攝學觀諦勝亦名對觀。餘生得等能生對觀故名對觀。或是對向而非對觀。又解。生得慧以能分別學觀諦故亦名對觀。論教能生對觀故名對觀。或是對向而非對觀。又解。所有無漏有漏慧等。及與諸論。皆有力能對觀諦故皆名對觀。故稱對法。此即結也。應知。此中能對對勝。且與對名。以實而言亦名爲法持自性故。所對法

①(名)+對②者=教③教④勝=正⑤對二對?⑥即二師⑦[對]一⑧汎=凡⑨[諸]一⑩諦=果⑪[果]一⑫教=故⑬[界]一